

Irais Sankatsing-Nava

From: "Glenn Sankatsing" <glennsankatsing@crscenter.com>
To: "Irais Sankatsing" <i.sankatsing@bibliotecanacional.aw>
Sent: Thursday, October 23, 2008 9:20 PM
Subject: Fw: Joyce Herry

----- Original Message -----

From: Gina Jie-Sam-Foek

To: Croes, Nathalie ; Alders, Ronny ; Boekhoudt, Charmaine ; Boekhoudt-Roos, Michelle ; Britten, Astrid ; Croes, Des ; Croes, Edwin Ety ; Croes, Ety ; Cuba, Franklin de ; Dirksz, Roque ; Figaroa, Olivia ; Flores, Belkis ; Geerman, Frenky ; Loopstok, Sonny ; Lopez, Lenchi ; Maduro, Catharina ; Maduro, Sophiene ; Martilia, Adri ; Nedd-Cheng, Graciela ; Ponson, Zetsia ; Sankatsing-Nava, Irais ; Semeleer, Lilian ; Sneek, Yosmar ; Werleman, Maya ; Wouters, Melinda ; Tromp, Nata

Sent: Thursday, October 16, 2008 4:10 PM

Subject: Joyce Herry

Joyce Herry lo ta na Aruba pa Festival di Buki pa Mucha

Den cuadro di e festival di buki cu ta tuma lugar di dia 2 di november pa dia 7 di november proximo, Biblioteca Nacional Aruba ta duna informacion di e autornan cu ta participa den e festival y cu lo bishita e diferente scolnan na Aruba durante e siman aki. Den e edicion aki ta introduci Joyce Herry.



Joyce Herry a nace na Oranjestad, Aruba, dia 8 di september 1945. Na 1966 el a bai Hulanda pa studia pa e profesion di secretaria. E la gusta Hulanda y a dicidi di keda biba na Hulanda. E ta biba na 's-Hertogenbosch, un ciudad den provincia Noord-Brabant. Casi tur aña e ta bini Aruba bek pa bishita su isla y pa ta hunto cu su famia den temporada di Pasco y aña nobo. Su interes pa skirbi tabata bisto for di chikito. Na 2001 el a participa na un concurso di skirbi storia cu un

storia di e conocido haraña Nanzi. El a gana un premio. Un escritora Arubiano a stimule pa sigui skirbi y e ta haci esei cu hopi amor y entusiasmo.

Na 2005 el a cuminsa skirbi y a publica buki di mucha ilustra. E l a publica 7 titulo di locual 5 ta riba su nomber. Su prome buki ta *Ollie, Assie en Peli: een modern sprookje over vriendschap/Ollie, Assie y Peli* : un storia moderno tocante amistad. E storia ta trata e amistad di dos mucha chikito cu un pelicano como nan amigo. Ollie ni Assie no por sin otro y e pelican ta yuda nan keda hunto. E storia ta tuma lugar na Hulanda y Aruba. Na Aruba e muchanan ta haya nan mes den un aventura na e costa di Aruba.

Na 2006 a sali riba mercado e buki ilustra *Bullie op kantoor, belevenissen van een Franse bulldog*. Na 2007 a sali riba mercado *Oli, Asi i Peli un kuenta modernu di amistad* na Papiamentu, pa e mercado di Corsow y Boneiro. E tin intencion pa traduci e buki na Ingles tambe pa e islanan St. Maarten, St. Eustatius y Saba.

Tur aña biblioteca, pa un siman largo, ta organisa un

festival di buki pa mucha den cuadro di promocion di lesamento. Biblioteca ta invita diferente autor di buki di mucha di Aruba, Antiyas Hulandes y Hulanda pa yuda cu e promocion aki. Pa algun dia e autornan ta pasa bishita e diferente scolnan riba nos isla pa conta storia y pa lesa for di nan buki, hunto cu e muchanan di scol. Apertura di e festival ta tuma lugar dilanti di biblioteca riba diadomingo dia 2 november pa 4'or di atardi. Tur aña ta scohe un tema, e aña aki e tema ta 'Poesia'. E lema ta "Pensa, piki, pone palabra".